

Maibegkes iti Mangisalakan babaen kadagiti Katulagan ken Ordinansa



TRAINING OUTLINE PARA ITI AREA, COORDINATING, MISSION, STAKE, WARD, KEN BRANCH COUNCILS

Kabayatan daytoy a pangiturong, makita ken mangngeganyonto dagiti padas dagiti annak ti Nailangitan nga Amatayo iti nadumaduma a lugar iti dana ti panagbalin a naibegkes iti Mangisalakan babaen kadagiti katulagan ken ordinansa. Mangngeganyonto no kasano a nakatulong kadakuada ti panagayat, panangibinglay, ken panangawis iti panagdur-asda iti dana ti katulagan nga addaan iti rag-o. Mabalinyo a bigbigen no kasano nga agakem amin iti maysa a paset ti panangibinglay iti ebanghelio, ti aramid iti templo ken family history, ken ti panangaywan kadagiti agkasapulan. Ngem kangrunaan iti amin, mabalín a madlawyo no kasano amin dagitoy a banag ket “mapagkaykaysa ... ken Cristo” (Efeso 1:10).

LIFE STAGE 1: DAGITI UBBING

Buyaen ti **video ni President Joy D. Jones ken dagiti ubbing**, ket kalpasanna ilawlawag no ania ti papanan ken aramidenyonto a mangtulong kadagiti ubbing a mangibegkes iti bagbagida iti Mangisalakan iti dana ti katulagan.

- Ania ti insuro ti Espiritu kadayo bayat ti panangbuyatayo iti daytoy a video?
- Kasano a mangtulong kadagiti ubbing dagiti pagbatayan ti agayat, agibinglay, ken agawis bayat ti panagkagumaanda a mangibinglay iti ebanghelio?
- Kasano a mangtulong ti serbisio kadagiti ubbing nga agtalinaed iti dana ti katulagan kalpasan ti panagbuniag?



LIFE STAGE 2: DAGITI AGTUTUBO

Buyaen ti **video da Presidente Bonnie H. Cordon ken Presidente Stephen J. Lund ken dagiti agtutubo**, ket kalpasanna paglilinnawagan no ania ti papanan ken aramidenyonto a mangtulong kadagiti ubbing a mangibegkes iti bagbagida iti Mangisalakan iti dana ti katulagan.

- Kasano a makatulongtayo kadagiti agtutubo nga agtungpal kadagiti katulaganda iti panagbuniag ken agsagana para iti sumaruno nga addang iti dana iti katulagan?
- Kasano a mangtulong kadagiti agtutubo dagiti pagbatayan ti agayat, agibinglay, ken agawis iti aramid iti templo ken family history?
- Kasano a matulongantayo dagiti agtutubo a makarikna iti namnama ken pannakaibilang bayat ti pannakaibegkesda iti Mangisalakan?

LIFE STAGE 3: YOUNG ADULT

Buyaen ti **video ni Presidente Mark L. Pace ken dagiti young adult**, ket kalpasanna paglilinnawagan no ania ti papanan ken aramidenyonto a mangtulong kadagiti young adult a mangibegkes iti bagbagida iti Mangisalakan iti dana ti katulagan.

- Ania ti masursurotayo manipud iti panagayat, panangibinglay, ken panangawis nga idiaya dagiti dadduma kadayo?
- Kasano a matulongantayo dagiti young adult a makarikna iti namnama ken pannakaibilang bayat ti panagdur-asda iti panagpannurray iti bagi ken agserbi iti dadduma? Kasano a makatulongtayo kadakuada a mangammo a kasapulan ida iti Simbaan ti Apo?

- Ania ti papel nga akmen dagiti napateg nga aktibidad ti Simbaan ken manangipateg a lider iti panangibegkes kadagiti young adult iti Mangisalakán?

LIFE STAGE 4: DAGITI NATAENGAN

Buyaen ti video ni Presidente Jean B. Bingham ken dagiti nataengan, ket kalpasanna paglilinnawagan no ania ti papanan ken aramidenyonto a mangtulong kadagiti nataengan a mangibegkes iti bagbagida iti Mangisalakán iti dana ti katulagan.

- Kasano a mangisangbay dagiti katulagantayo iti pannakapaimbag ken mangtulong kadayo nga agtalinaed iti dana— uray pay kadagiti narigat a panawen?
- Ania dagiti wagas a nasarakantayo a mangtulong kadagiti miembro a mangibegkes iti bagbagida ken dagiti dadduma iti Mangisalakán babaen kadagiti katulagan ken ordinansa?
- Kasano a matulongantayo nga agayat, agibingay ken agawis ti panangpadur-as iti naespirituan a panagpapuray iti bagi?

DAGITI RESOURCES PARA ITI AREA, COORDINATING, MISSION, STAKE, WARD, KEN BRANCH COUNCILS

Para kadagiti Ubbing ken Agtutubo

PAKAGUPGOPAN PARA KADAGITI UBBING KEN AGTUTUBO

Nairanta ti programa dagiti Ubbing ken Agtutubo tapno mangpapigsa iti pammati ken ni Jesucristo dagiti tumantanor a kaputotan ken mangtulong kadagiti ubbing, agtutubo, ken pamiliada a dumur-as iti dana ti katulagan bayat ti panakaipasangoda kadagiti karit ti biag. Daytoy ti mangtulong kadagiti ubbing ken agtutubo kadagiti panagkagumaanda a makiraman iti panangummong iti Israel ken iti aramid ti pannakaisalakan ken pannakaitan-ok iti inaldaw a biagda. Naipamaysa daytoy iti pagtaengan ken suportado ti simbaan.



DAGITI NAMNAMA PARA ITI TUMANTANOR A KAPUTOTAN

Tumulong ti programa dagiti Ubbing ken Agtutubo iti panagdur-as ti tumantanor a kaputotan iti adu a wagas, agraman babaen ti paltiing, karbengan nga agpili, ken dagiti pagnanaigan. Masursuro ti tunggal maysa ti umawat ken agtignay iti personal a paltiing bayat ti panangaramatda iti karbengan nga agpili ken panangpilida kadagiti gundaway a dumur-as para iti bagbagida. Mapasamak pay daytoy bayat ti panagsursuro dagiti agtutubo a mangidaulo kadagiti panguluen ti korum ken klase. Mangparnuayda kadagiti pagnanaigan kadagiti pamiliada, liderda, ken dadduma pay iti bukodda nga edad bayat ti panagtrabaho ken panagserbida a sangkamaysa ken panangammoda a maibilangda ken kasapulan ida iti aramid ti Apo.

SADINO TI NASKEN A PANGRUGIANTAYO ITA?

Awisentayo dagiti ubbing, agtutubo, ken dagiti nagannak ken liderda tapno agkumit wenno ulitenda ti agkumit nga agbalin nga ad-adda a kas iti Mangisalakán babaen ti pannakiraman iti aramidna. Saan a nasken nga agbalin a narigat dagitoy a panagkagumaan. Dagitoy ti sumagmamano a simple a lugar a pangrugian:

Nagannak

- Ummongenyo ti pamiliayo para iti panagadal iti ebanghelio. Makatulong ti *Umaykayo*, *Sumurot Kaniak* a resources. Mabalnmo nga ibilang ti kaadda dagiti panaglilinnawag maipapan kadagiti topiko kas kadagiti katulagan, paltiing, karbengan nga agpili, ken patriarchal blessing.
- Agplano iti maysa nga aktibidad ti pamilia. Kasano a sitatalged a makapagserbikayo iti maysa a tao iti sangakaarrubaan wenno komunidadyo? No adda a magun-od, matulongannakayo ti JustServe a mangsapul kadagiti kapanunotan.
- Makipagkitakayo iti tunggal anak a lalaki ken anak a babai. Paglinnawagan dagiti pagesmanda ken pagsaritaan no kasano ti kayatda a pakadur-asan. Tulongan Ken suportaran ida iti bukodda a panagdur-as. Pagsaritaan maipapan no ania dagiti panggep a tun-oyen nga intudingda wenno kayatda nga itrabaho.

Dagiti lider iti Primary

- Ammuen dagiti kasasaad iti pagtaengan dagiti ubbing, ken agkalikagum a maaddaan iti paltiing a mangtulong kadakuada kas tao.
- Mangrugi iti panangangay kadagiti miting iti Domingo ken aktibidad iti Primary iti personal wenno virtual (no natalged ken awtorisado).
- Saan a madanagan maipapan iti panangikonekta kadagiti panggep a tun-oyen ti tunggal tao kadagiti aktibidad. Ti pokusmo ket maipapan iti panangikonekta ken bendision Dagiti ubbing ken dagiti familiada—nangruna no kasapulanda wenno agdawat iti tulong.

Dagiti nataengan a lider dagiti agtutubo.

- Mangrugi iti panangangay kadagiti miting iti Domingo ken aktibidad iti klase iti personal wenno virtual (no natalged ken awtorisado). Allukoyenyo dagiti agtutubo a mangyulo ken mangirugi kadagiti miting nga usarenda dagiti baro a tema ti Young Women ken Aaronic Priesthood quorum.
- Awagan, i-set apart, ken pabilgenyo dagiti panguluen ti korum ken klase. Tulonganyo ida a mangangay kadagiti regular a miting ti panguluen ken mangplano ken mangidaulo kadagiti miting iti Domingo ken aktibidad. Angayenyo dagiti youth councils iti ward, ken yallukoy ti pannakiraman kadagiti missionary ken temple ken family history coordination meeting. Isuro ken suportaranyo dagiti panguluen kas kasapulan a saanyo a suksukatan. Tulonganyo dagiti panguluen nga agsursuro kadagiti paglaingan iti panangidaulo nga us-usaren dagiti [resources iti panguluen ti korum ken klase](#).
- Planuen ken angayenyo dagiti youth camp ken youth conference iti 2021, a mangsursurot kadagiti pangiwawan iti panagtalged.
- Saan a madanagan maipapan iti panangikonekta kadagiti panggep a tun-oyen ti tunggal tao kadagiti aktibidad. Ipakatyo ti pigsayo iti panangikonekta kadagiti mismo nga agtutubo. Mabaln pay a tulonganyo dagiti panguluen ti korum ken klase a maikonekta dagiti aktibidad kadagiti kasapulan dagiti agtutubo.

PARA ITI AD-ADU PAY NGA IMPORMASION, KITAEN ITI CHILDRENANDYOUTH.CHURCHOFJESUSCHRIST.ORG.

Para kadagiti Nataengan

YSA DAGITI LUGAR A PAGUUMMONGAN

Nangted ti Umuna a Panguluen iti pananganamong kadagiti area a mangipasdek kadagiti paguummongan a lugar para kadagiti young single adult a maibatay kadagiti kasapulan ti area. Ti maysa a paguummongan a lugar ti naituding a lokasion iti maysa a sidadaan a pasilidad (kas iti meetinghouse wenno pasdek para iti institute) a mabalin a paguummongan dagiti young single adult ken dagiti gagayyemda tapno makiraman iti sumagmamano wenno amin kadagiti sumaganad (maibatay kadagiti kasapulan ken resources)

- Edukasion mainaig iti relihion ken panagsursuro iti ebanghelio (agraman iti institute)
- Serbisio ken dagiti aktibidad iti pannakilangen
- Dagiti aktibidad iti templo ken family history
- Panangpannurray iti bukod a kabaelan ken dagiti gundaway a mainaig iti edukasion
- Dagiti aktibidad iti missionary ken tulong iti komunidad
- Dadduma pay a programa iti Simbaan

Nasken nga anamongan ti Panguluen ti Area ti amin a paguummongan a lugar ken asikasuen dagiti stake president ken bishop.



DAGITI TAKEM [CALLING] DAGITI YOUNG SINGLE ADULT KEN SINGLE ADULT

Dagiti kallabes a panangbalbaliw kadagiti annuroten ken pannakailawlawag ti nangrisut kadagiti posible a saan a pagkikinnaawatan ken palso a kannawidan maipapan iti panangpabassit kadagiti gundaway a makapagserbi dagiti saan pay a naasawaan a miembro iti Simbaan ti Apo. Dagitoy a panangbalbaliw iti annuroten ken pannakalawlawag, nga inanamongan ti Umuna a Panguluen ken ti Korum dagiti Sangapulo-ket-dua nga Apostol ken nairaman iti Sapasap a Hanbuk, ket mangilawlawag a mabalin dagiti young single adult ken single adult a mabendisionan ken makabendision iti dadduma iti adu a takem [calling], agraman kas dagiti lider iti stake ken ward. Maipatpatungpal itan dagita met la nga annuroten iti amin a yunit ti Simbaan, agraman kadagiti yunit ti young single adult ken single adult. Naikkaten dagiti restriksion a maisupiat kadagiti young single adult ken single adult nga agserserbi kadagiti panguluen ti stake, bishopric, panguluen ti Relief Society iti stake kadagiti yunit ti young single adult ken single adult.

Mabalin nga agserbi dagiti miembro a saan pay a naasawaan kadagiti saad [position] iti panangidaulo agraman dagiti panguluen ti organisasion iti ward ken stake, dagiti panguluen ti elders quorum, dagiti mamagbaga iti bishopric, dagiti high councilor, ken dagiti mammagbaga iti panguluen iti stake.

Pannakasapul ken Panangpasangbay iti Amin—Agayat, Agibinglay ken Agawis

No agkarigatan dagiti miembro a makarikna iti pannakaibilang, no dadduma saan nga inggara nga isao dagiti lider ken dagiti dadduma dagiti banag a Mangpatibker iti pammati dagitoy a miembro a saanda a maibagay iti daytoy wenno saanda a kasapulan.

Iti pananglagip kadagitoy a kinapudno maipapan iti ayat, agibinglay ken agawis ket makatulong iti panangpasangbay iti amin iti aktibidad, pannakisinninged, ken pannakaibilang iti Simbaan ni Jesucristo:

- Tunggal tao ket maipatpateg nga anak ti Dios nga addaan iti nadiosan a kababalin ken pagtungpalan. Kas mainayon kadagiti agnanayon a bendision nga ikarina kadagiti napudno, kayatna a bendisionan dagiti annakna itan, kabayatan daytoy a biag
- Kasapulan ti tunggal anak ti Dios iti aramid ti panangbangon iti pagarianna.
- Tapno matulongan ti maysa a tao a makarikna a maibilang ken kasapulan isuna, mangrugi iti ayat. Dumngeg tapno maawatan dagiti padasna. Saanyo nga ipapan nga ammoyon wenno maawatanyo.
- Awan kadatayo dagiti sungbat iti amin a saludsod a sanguentayo wenno sanguen dagiti dadduma ditoy a biag. Kas pagarigan, Ditayo ammo dagiti gapu ti mabalin a pakaipasasanguan ti maysa a tao iti naipangpangruna a karit.
- Agbalin a nakasagana ken saan a managhusga. Pasangbayenyo ti tunggal tao, sadino man ti panagdaliasat dayta a tao. Idiaya ti tulong, ken agpokus iti kinapudno a ti tunggal tao ket kasapulan iti Simbaan.
- No naliwayanyo nga insao ti maysa a banag a makapasakit, saankayo koma a depensibo, dumawatkayo iti dispensar ken kalpasanna agkiddawkayo iti pannakapakawan ken pannakapasayaat.



PARA ITI IMPORMASION MAIPAPAN ITI PANANGTULONG KADAGITI MIEMBRO ITI NAIPANGRUNA A KASASAAD, KITAEN ITI [COUNSELINGRESOURCES.CHURCHOFJESUSCHRIST.ORG](https://counselingresources.churchofjesuschrist.org).

MAKATULONG NO ISAO

- **Naragsak nga Isasangbay! Kasapulan ken ay-ayatendaka. Agyamanak iti kaaddaam ditoy.**
- **Isurom kaniak maipapan iti padasmo. Ania ti kayatmo a maawatak?**
- **Naragsak a pasangbayendakayo ken kasapulandakayo sadinokayo man iti panagdaliasatyo. Kasano a makatulongkami? Kasano a matulongandakami?**
- **Kayat ti Dios nga agbalinkayo a naragsak itan. Ti ebanghelio ti mangted iti namnama ken ragsak para iti amin nga annakna.**

